



XVI.
 DUCES MONTISNIGRI,
 seu de Montenegro.



STEPHANUS DE MARAMONTE, Zarnagoræ Dominus, nobilis Apulus ex Maramontensi gente in regno Neapolitano, cujus non semel meminit Scipio Ammiratus, uti vult Orbinus, quamquam Flavius Comnenus Dalmatam indigenam fuisse scribat, cum in aulam Balzæ Zentæ Domini, Georgii Strascimiri filii, & cognati, trajecisset, ab eo Montisnigri dominium obtinuit, quod quidam Ducatus titulo donant. Hujus porro suasionibus cum Balzæ pacis ac induciarum fœdera, quæ cum Venetis pepigerat, violasset, horum arma in se concitavit, quo durante bello, in Rassiã ad Despotam avunculum profectus, Stephano dominia sua tuenda commendavit. Verum Balzæ in hoc itinere mortuo anno MCCCXXXI. Zentâ dimissâ, in Apuliam concessit, quâ quidem captatâ occasione Veneti, Zentam cum valido exercitu ingressi, hanc in potestatem suam redegere, cum interim Servix Despota bello Venetos adortus, non modicam provinciam iis partem ademisset. Flagrantibus deinde Venetos inter ac Servios bellis, Zentani Maramontem evocarunt, qui in Zentam appulsus anno MCCCCXXIII. Georgium, cui Zentam commendaverat Stephanus Despota avunculus, bello appetiit, receptisque compluribus oppidis, in eâ fortunæ suæ sedem fixit ubi VOISSAVAM, Magni Scanderbegi filiam, in conjugem obtinuit, & ex ea liberos aliquot suscepit, scilicet Joannem & Georgium, qui Zarnovichii, vel de Cernovighio cognomen assumpserunt; & Voissavam Lucæ Ducagino nuptam.

Orbin. p. 194.
 Ammirat. tom. 2.
 p. 234. 237.
 Luccar. l. 1. p. 85.
 86.
 Hist. nostra CP.
 l. 8. p. 38.

JOANNES ZARNOVICHIIUS, Montisnigri Dux, à Turcis fusus ac interfectus est, in eo pralio, quod initum est in Campo Cimouschensi in Zenta circa an. MCCCCI. Petrus ejus filius Constantinopolim à Turcis transmissus, ac circumcisus, Scander, id est Alexander, appellatus est.

Orbin. p. 182.
 Luccar. pag. 99.
 Luccar. p. 31.

GEORGIUS ZARNOVICHIIUS, Joannis frater, ad Ragulinos confugit, relicto Stephano in Zarnagora, ubi septimus extitit hujusce regionis dominus, quam familia ista per XCIII. annos possedit; ab anno scilicet MCCCCXXIII. usque ad annum MDXVI. quo in Turcorum potestatem venit.

Porro ditionibus suis exacti à Turcis Cernovichii, Venetias concesserunt, ubi eorum deinceps familia inter ejusce Reipublicæ nobiles locum obtinuit; cujus stemma ex Flavio hic describimus.

STEPHANUS CERNOVICHIIUS, postremus Zarnagoræ & Montis nigri dominus.

JOANNES CERNOVICHIIUS Dux Montis nigri. Nobilis Venetus. ux. CATHARINA ORIA. Paulus Jovius in Bajazet. l. 1.
 GEORGIUS CERNOVICHIIUS. Nobilis Venetus. ux. VOISSAVA Luce Ducagini uxor. Horum non meminit Flavius.

GEORGIUS CERNOVICHIIUS, Nobilis Venetus.

CONSTANTINUS CERNOVICHIIUS Nobilis Venetus. ux. N. CONTARENA. Nobilis Veneta.
 SALOMON CERNOVICHIIUS, in Hungaria obiit.
 HELIAS CERNOVICHIIUS. ux. HELENA filia Musai Topix.

JOANNES CERNOVICHIIUS, Nobilis Venetus. ux. ORSETA VALERESSA, Nobilis Veneta.

VECTOR, vel VICTOR CERNOVICHIIUS, Nobilis Venetus. ux. HELENA CALBA, Nobilis Veneta.
 CONSTANTINUS CERNOVICHIIUS.

JOANNES CERNOVICHIIUS Nobilis Venetus, an. 1621.

Cernovichiorum Venetorum insignia aquilam bicipitem auream coronatam, cum alis expansis in campo rubeo præferunt.
 Famil. Dalmat.